

達生合編

遵原本

達達
生合編

重刊

民國丙寅年仲夏月

板存吉安習溪橋上

首胡文翰齋定價每

本

毛邊紙

大洋

壹毛六絲
壹毛正

序

晉鑄刑鼎子產鑄刑書夫子譏晉之
刑鼎而不譏子產之刑書何也蓋晉不
守唐棘所受之法而用范宣子夷蒐
之法故夫子非之子產參用三代辟法
雖為叔向所譏然棘向所謂議事以

制不爲刑辟古難其人亦猶正誼不
謀利明道不計功今亦難得其人凡
有所慕而爲善者所畏而不欲爲惡
者未始非尚惠之君子故曰君子懷德
又曰君子懷刑此子產之刑書所以不
但不爲夫子所誅而且以爲惠人以爲古

之遺愛也鉛山李子國珍輯古今戒淫
之說益以時賢詩歌釐為四卷又恭錄

大清律文若干條於第二卷之首更屬以青龍

偃月刀之名使壞者懍懍然如十目之視
十手之指蓋欲懷惠之君子兼知刑之
宜懷即子產鑄刑書之意也結陽

臣祖有云人心有慧劍三一以斬貪一以斬
嗔一以斬癡但須磨勵毋令敝鈍而已知
呂祖之慧劍常在人心不可敝鈍則不有
龍偃刀刀強在

帝君所為資之以斬吾心之邪妄則固無時無
處而不在吾身之上下左右前後矣此

重刊達生編序

達生編者自臨產一節以及胎前產後明易曉暢
言之親切而有味蓋其理為天地大生廣生之理
其事為夫婦與知與能之事是編一出宜天下無
有難產者矣然知之者習然不察其不知者又狃
於故見總不能聽其自然故徃徃以難產聞夫天
地之大德曰生惟人為萬物之靈人之生亦率其
性之自然而已其於方藥不慎調攝失宜猶不過

一身之苦。至如穩婆。居奇射利。以僥倖於萬一。是實欲以生道殺人耳。天欲生之人。欲殺之。其罪固不可勝誅。而為翁姑夫壻者。宜何如猛省耶。齊昌得是編。已數十年。屢試輒效。而橫生逆產所在多有。豈積習使然歟。抑流傳未遍歟。茲特重刊廣佈。願與諸君子。現慈悲。身吐廣長舌。俾家喻戶曉。自近及遠。庶幾順承天庥。而好生之德。推之四海。而皆準已。道光元年孟秋下浣。存心居士謹撰。

達生編原序

胎產非患也。而難產則爲人患。人患不殄。則歸之于天。天何尤乎。亦唯求之人事而已。此編專爲難產而設。蓋區區一得之愚。亦卽區區一點真誠之念。倘能熟看謹行。皆可先生如達下。是人患弭而天德叶矣。然知之而不言非也。聞之而不傳亦非也。好生者見之宜爲廣布。有力者重刻通行。無力者手鈔數冊。口授數人。隨分所至。未必非吾儒同胞同與之一事。吾人利濟爲懷。原非求福。然積善餘慶。必有攸歸。達天德也。但此編揣摩印證。委係無疑。凡重刻手鈔時。不必改動尤

不必增入方 以相矛盾耳。

皆

康熙乙未天中節。亟齋居士記于南昌郡署之西堂。

達生編大意

胎產一事。自產寶諸書以後。代有發明。其保胎臨產及產後調理之法。率皆至精至密。似無遺義。又何俟今之多言。但或專精方藥。而未及其所以然。或略一及之。而未竟其旨。倘非究心有素之人。未易明而用之也。倉卒之際。殊難得力。茲特倡明天德自然之說。不厭煩絮重複。以期於暢。使平日可以

預防臨時可以應急。從此天下後世產母嬰兒同登壽域。豈不快哉。然亦特曲遵古人之意而條達之。非創爲異說也。

此編只是反覆以言其理。至于方藥。殊未之及。偶載一二。皆取先賢古方。極平極穩者。蓋極平常之事。須用極平常之藥。一切珍奇炫異之方。槩置不錄。且保護得法。雖平常之藥。亦無所用之矣。倘必欲用。則他刻自有。原不相妨。

一凡胎前臨產產後調護之法。一一備載。不厭煩複。蓋原係家居日用。閨房瑣屑之事。一有不到。皆是致病。與其服藥于病後。曷若致護于平時。

通鑑卷一百一十五
一此編言語俚俗未免見笑大方。但原爲婦人而設識字者固不必言不識字者人人誦之皆可通曉。然須平時講令心中明白臨時自有主張。不但產母宜知一應老幼男婦皆當知之。與其看戲文聽說書不如此等有益也。

一此編雖其所當知而富貴之家尤宜熟講。蓋閨人平時嬌養口厭艱甘身安逸樂。體氣脆薄且性情驕傲不聽人言。到此時總一知覺即不能耐。點燈着火。上呼下應。房中擠簇多人。內外嚷成一片。穩婆絡繹。要爭功。脉未離經胎未轉下。即便坐草。及至不順。奇方珍藥紛紛亂投。以致母子兩誤者多。

矣。豈不惜哉。但能留意此編。自可平安清吉。

一胎產之書。可以汗牛。今此彙彙。特爲難產而設。其胎前產後。特略載一二。以存其槩而已。若自此編。足以盡之。則重子過矣。

一開卷即載臨產者。蓋臨時倉卒。不及細檢。因以切要者載之。首篇且令開門見山。人人熟習。專意行持。自可無悞。其胎前產後。詳載下篇。

一試痛一篇。尤爲緊要。蓋知試痛之悞。方知正生之易。正與臨產一篇。互相表裏。最宜細看。仍采先賢格言之足相發明者。

三
卷一
數條載之聊以徵子言之不謬然嘗鼎鑊亦足以知其概
矣

一語云勿以善小而不爲此篇固小之小者然誠有見子久產
爲生人之始隨時隨地體驗而成且身經洞擊口授耳聞一
試不爽忘其褻陋出以語人漏萬之譏固所不免
世之君子原其心焉可矣

西泠何鍾台叅訂

達生編

○原生

天地之大德曰生，生之德無往不在，要之莫大乎生人。夫胎產固生人之始也，是以名之曰生生也者，天地自然之理，如目視而耳聽，手持而足行，至平至易，不待勉強而無難者也。然今之世，徃徃以難產聞者，得無以人事之失而捐其天耶？夫天豈以生道殺人哉？必不然矣。因思人爲至靈，何有于物？物之生也，莫或難之，故草木之甲以時，鳥鰈之出以日，豈復有道乏者哉？自然而然，不待勉強，于人何獨不然？有童子骨鯁于喉，百方不出，舉室徬徨，一姬視

之曰無異也。令靜臥飼以漿糜三日自出而無所苦。可以知其理矣。骨鯁者人事也。尙可以天勝之。而況天道之常與自然之極者乎。事本易也。而自難之。事本常也。而或異之。無惑乎其然矣。繼持此理消息行之。百試之下。無一失者。而多不用藥。由此敝唇焦舌以告同人。頗蒙相信。數年以來。一邑之間產難者。蓋寡矣。獨惜一隅不能遍及。茲漫述成帙。剖胸布之。夫豈能有補于生之外哉。惟願順承天休。而毋以人事撓之。以各遂其生而已。

臨產

六字真言

曰睡

二曰忍痛

三曰慢臨盆